

東涪家乘目錄

卷之一

五言律詩

琴窗


書閣

次韻答同寅楊彥魁

錦歸卷

病後書懷

寄勉宏弟



寄勉政弟

寄勉昌子

寄勉盛子

勉亨子

勉統侄

勉瑞子

卷之二

七言律詩

登鄉薦報捷

送國子大司成李時勉先生致政南還

榮壽堂為王芳黃門賦

柏臺清暇屏風為陳都憲賦

奉和黎叔舅

其二

其三

其四

和韋賢歲暮相別

其二

除夕感懷

辛未元旦值雪

輓王公靜學

和韋賢除夕詩韻

和陳邦球韻

其二

輓某繡衣父母

寄綸綱二弟

掬清軒爲前人題

滁州遊醉翁亭

遊南華寺

旭出韶陽帽子峯登高

次鄭廣文理中秋對月韻

次鄭廣文理登高帽子峯韻

次鄭廣文不赴登高韻

除夕

送李崇德主濮之觀城簿管馬

送楊生鳳翔省侍南還

東海家乘 目錄
送劉廣運分教寧國郡庠

輓余都憲之父

林泉書屋

輓徐主事觀之母

贈邢繡衣宥南還省侍

送征南將軍安遠侯柳公溥還京

廣右得顯子捷報喜賦

其二

橫溪草堂

困齋

次吳君玉鑑韻

送吳君用張之將樂貳教

輓馬大叅駢

遊南寺次方通守韻

其二

其三

其四

次韻答方通守

送庠生畢倫還弋陽

送牟僉事考績之京卷

東軒爲方通府賦

其二

寄輓大尹三省宗丈

病起簡方通府

孟冬飲戚廣文官舍次太守潘公韻

其二

蘆鴈爲丁通判題

敗荷鷺鷥亦爲前人題

拙庵爲方掌教珙賦

司訓方先生端以詩見遺和韻復之

其二

陳廣文亦以前韻作詩見贈和以答之

其二

其三

其四

龍江八景爲康僉憲賦

北山儒隱

南畝農耕

龍穴曉雲

石橋新月

橫浦漁舟

尖峯樵唱

山寺晴嵐

獨岡返炤

春旱甚久還判丁侯暨予祈禱大應喜而有作

洛沂有感和舉人祈繁韻

和魏時敏韻

其二

其三

其四

其五

其六

其七

其八

其九

其十

賓月樓爲莆庠生曾直賦

送莆馬廣文秩滿之京

次韻奉復會元陳先生

其二

其三

其四

其五

其六

其七

其八

其九

錦歸卷爲鄭伴讀題

遊石寶土

養晦

重慶堂爲柯翰林賦

薇垣春曉爲劉知印賦

芍藥次韻爲林員外題

其二

寄壽楊益堅六十

姑青八老

題賞菊唱和詩卷次韻

送推府徐公第歸長沙

梅澗爲劉進士鈍作

送劉進士鈍采錄還朝

輓太尹林廷芳

癸軒爲陳文圭賦

和錢擘廣文與韓簡校同行唱和詩韻

其二

從吾亭爲秋官彭公韶賦

送陳忠倣省侍歸泰和

贈秋官彭公京邸

次韻方二守之官韶陽 七言排律

卷之三

七言絕句

四時花鳥爲林員外賦

桃花鵲

梔子黃鸝

桂花山鵲

山茶布穀

草蟲爲劉二尹題

其二

其三

其四

東澗家乘卷之一

臨汝王常

大經甫著

曾孫廷垣

康侯甫編

五言律詩

琴窗

小屋傍林開中藏爨下材軒窗涵古意几席絕纖埃
孤障雲端出清泉石罅來子期千載客拂軫重徘徊

書閣

傑構青雲表連林富典墳過門無俗客列座有斯文

蠹向芸窗辟膏從夜帳焚廣寒宮闕近應有桂香分
次韻答同寅楊彥魁

念我忘年友傷心賦七哀仰瞻雲際鴈忽得隴頭梅
花縣容踈拙疾邦惜俊才功名俱土苴誰復望三台

錦歸卷

裾曳王門久蕭蕭兩鬢華九重天賜詔千里錦還家
林下衣冠盛壺東景物佳相過須盡醉不惜岸烏紗
病後書懷

臥病彌旬月襟懷鬱不舒葉黃敲戶牖苔綠覆階除
藥口苦難進蓬頭結莫梳天公幸憐我今日不須扶

寄勉宏弟

仲弟學勤家塵居事若麻婚姻兼慶吊魚米及薪茶
作佈宐春早巡行任日斜勞心有如此庶足度年華
寄勉政弟

吾弟時將壯青春一擲梭芝蘭須共室蕭艾莫同科
底用虛名著惟求實行多待看春日到無地不陽和

寄勉昌子

髻鬣明三禮雲程未易通嘉禾難自秀稂莠恐先豐

好竭耘耔力毋勞握拔功秋風富佳實早入太倉中
寄勉盛子

盛子習葩經經中義理精商周多雅奏鄭衛襍新聲
忠厚詳麟趾雍和想鹿鳴研磨毋少怠奚患不功成
勉亨子

嗟尔年踰冠當知務學勤光陰競分寸燈火繼晷昕
及覆經書理沈潛子史文他年功業就平步可青雲
勉統姪

汝父已云歿汝年今十三坐宐端几席行必整衣衫
善行身須踐閒言口可緘詩書更勤讀遲尔作奇男
勉瑞子 生時母得異夢

念尔仙山果遲春始見生行年垂十襁從學賴諸兄
筆硯空勤弄高渙莫謾行願言符吉夢及早爲親榮

忠厚之辭... 勉亭子

筆跡空傳... 勉亭子

念尔... 勉亭子

勉亭子 主部母野異

東滄家乘卷之二

臨汝王常 大經甫著

曾孫廷垣 康侯甫編

七言律詩

登鄉薦報捷

自愧青雲業未精... 前輩小錄... 前行雙親積慶淡如許... 百拜無由展下情

送國子大司成李時勉先生致政南還

白髮忠君四十秋封章三上乞歸休忽聞中使
傳宣出未許諸生伏闕留蓋世英雄誰可並成人
厚德信難酬沙頭酒盡情無盡目送長風萬里舟

榮壽堂爲王芳黃門賦

林下嚴親兩鬢霜日邊遊子喜還鄉筵開羅綺春
風暖酒進霞觴愛日長使節煌煌明繡斧錦衣燦燦
炤華堂懸知歸復清朝命紫誥應頒御
墨香

栢臺清暇屏風爲陳都憲賦

點染何人得趣淡清高不許俗塵侵落紅滿地花無
色飛翠當空栢有陰雨過階除鳥啄食風清窗戶鶴
聽琴回朝獨坐無餘事細讀屏間御史箴

奉和黎叔舅

漏徹銅壺水欲乾分明夢到郭溪端不慙遠道搖金
勒直上高堂見鐵冠遶屋寒梅凝白雪千霄野竹訝
青巒高談更啜先春茗彷彿清風兩腋寒

其二

黃榜題名墨未乾新除忝列憲臺端靈鳥到處迎驄

馬狡兔聞時避豸冠已向京畿巡列郡還從邊徼閱
諸巒題封欲問區區事誓比冰壺一樣寒

其三

憶從寄跡 五雲邊一度相思一悵然吟罷草堂明
月夜夢回梅閣欲霜天捫心有愧 清朝命生計能
忘負郭田便欲乘風賦歸去相從林下地行仙

其四

飄飄萍梗寄遐邊戀闕懷鄉重惘然驥足長驅千里

道鶴班空筵

九重天風霜且自共

朝命棄

梅邊誰問井田獨憶故園梅雪裏杖藜適趣有通仙

和韋賢歲莫相別

三尺光芒袖裏蛇誓殫忠赤報

皇家承

恩

久際風雲會揣分難任

寵渥加歲事侵尋如電影

客居寂寞對燈花懸知此別重逢日直待春蘭秀茁
芽

其二

三載蒙

恩寓玉京相逢誰不共知貧已欣耕布

同家慶況復詩書遇上賓自是冲霄誇健翮何須涸

輒嘆窮鱗蝸廬瓦釜青蔬飯絕勝當年子在陳

除夕感懷

昔寓天壽山

歲云莫矣抵山城憶友思家總是情白髮嚴慈違孝
養青雲故舊負心盟行厨寧有屠蕪酒別館應无爆
竹聲吟罷從容就衾枕梅花紙帳不勝清

辛未元旦值雪

時寓天壽山

起看六合瑩無瑕便覺新年景象佳天壽有山皆寶
樹王畿無地不璫花冠峩金豸成銀豸仗立青

蝸變白蝸遙想千官趨賀處分明身在

玉皇家

輓王公靜學

同年黃門芳之父也

隱居明谷號通儒人品堪歸九老圖筆底江山臻畫
妙囊中風月味詩腴一真自得成蟬蛻五彩高飛見
鳳雛却恨微官繫京北無因縮地致生芻

和韋賢除夕詩韻

客中瞬息一年過寂寞其如此夕何詩乏能人偏與
少酒无知已轉愁多銅壺已報殘更漏金鼓猶聞隔
壁讎肅整衣冠待天曉不知瑞雪滿山皤

和陳邦球韻

君承奕世舊書香經史先明領與綱鴻鵠固知輕燕
雀騶虞原不羨豺狼筆端詞賦橫鋪錦匣裏龍泉倒
拂霜自古賢才爲世用可能林下久韜光

其二

一自衣盤豸繡香埋輪有志慕張綱風行三穴難容
免威振羣方肯縱狼舌本苦因餐老檠眉端寒爲帶
秋霜故人羨我今如此寄得珠璣滿紙光

輓某繡衣父母

壽富多男世所稀况聞家室兩相宜三徵不起文章
伯四德兼全女婦師鏡掩青菱鸞去矣琴下綠綺鳳
隨之賢郎久作臺端客拜得銘文勒墓碑

寄綸綱二弟

一別鄉園幾度春炎陰遷轉若環循官居憲府寧云
冷道在吾身豈厭貧百畝力耕懷仲弟旨甘違眷念
雙親幾回目斷南飛雁欲向明廷解縉紳

掬清軒爲前人題

半畝荒塘一樹春河南夫子接芳隣影涵窗戶天光
淨香入簾櫳雪色新美味謾期調鼎客清歌自擬濯

纓人幾回月夜憑闌處疑是清華浴太真

滁州遊醉翁亭

一自文章太守過斯亭千載重山阿入簾花氣春來
盛落澗泉聲雨後多犬吠瑯琊山有寺龍歸柏子水
無波我來登覽懷前哲醉把窆碑子細摩

遊南華寺

甞假浮生此日忙曹溪溪澗處恣徜徉松梢露滴明珠
碎石磳泉分法乳香野鹿啣花閒傍砌山猿獻果故
窺堂老僧知我南來意茗碗爐薰話晝長

九日韶陽帽子峯登高

郡北孤峯拔地高登臨此日屬吾曹山連庾嶺歸心
切水接曹溪望眼勞對酒不辭陶令醉吟詩轉覺杜
陵騷興來重把烏紗正一任松風起怒濤

次鄭廣文理中秋對月韻

高懸珠箔倚危欄坐見水輪出海端一片清輝千里
共百年今夕幾人看光搖玉宇寧知夜冷浸琉璃漸
覺寒記得當年折丹桂姮娥笑我挾風翰

次鄭廣文理登高帽子峯韻

縈紆石磴與雲齊有客登攀思欲迷清影橫空邊雁
過哀聲遶樹野猿啼先陰漸覺年將邁故舊何妨手
重携落日西風欲吹帽令人苦憶大江西

次鄭廣文不赴登高韻

茱萸盈把菊盈枝客裏登高正此昔借得風雲隨步
武因招賢後其襟期少陵謾有愁千緒元亮渾無酒
一卮薄暮歸來影相吊滿林風月步遲遲

除夕

一歲先陰盡此夕思君心切倍无聊燈花謾報眼前
酒色難回臉上嬌懶聽兒童燒爆竹強同昆季頌
盤椒東風明日回天上直掛雲帆上九霄

送李仙崇德主濮之觀城簿管馬

東南詞賦闡嘉猷一戴天恩向濮州一騎紅塵

都市曉半帆涼月潞河秋鳳鸞自是文章顯駮北還
期政績優莫道此身居矮屋他年大厦任擡頭

送楊生鳳翔省侍南還

綵侍怡愉二載過都門此日唱離歌數聲柔櫓雲邊
雁一葉輕舠水上梭詩貯錦囊行李重酒乾銀瓮別

情多鰲溪到日隆師友早繼而翁重制科

送劉廣運分教寧國郡庠

聖主當乾景運開師儒今喜得賢才菁莪又廣當
化桃李從教到處栽玉漏聲殘辭大玉階金
盡出金臺到官莫忘交游舊驛使相逢好寄梅

輓余都憲之父

儒衣雅飭自恂恂老作南州一隱淪嗜酒情
令能詩聲價杜陵人鶴歸華表城空在艸滿
已陳喜有賢郎都憲府龍章早晚下楓宸

林泉書屋

爲姜經衛英作

流泉聒聒樹蒼蒼清蔭君家舊草堂花雨入簾書帙
潤荷風拂座酒杯香魚翻萍浪開青鏡螢落芸窗聚
絳囊幾度呬唔坐淡夜杖藜相訪發清光

輓徐主事觀之母

佳兒粉署爲郎日慈母高堂棄養時萬里關河聞遠
訃百年風木起淡悲金章已拜安人賜文石新題太
史詞生處哀榮誰得似九原瞑目復何思

贈邢繡衣宥南還省侍

予告 欽承 寵渥優 天香滿袖出皇州紫鸞榮
捧雙親 誥綵鸞遄飛萬里舟剩有行人瞻豸繡豈
無交誼贈吳鈞懸知省罷歸來早定向蘭臺候馬周
送征南將軍安遠侯柳公溥還京

聖主憂民食不遑帥臣分闕淨炎荒臨戎正倚籌邊
策歸路遄催別浦航日月旌旗辭八桂風雲戈甲度

三湘

九重到日咨民瘼爲道蠻酋尚陸梁

廣右得顯子捷報喜而賦此

接得泥金喜不勝少年何幸沐

恩榮青雲早繼

前人武黃甲新題進士名上苑聽鶯花日麗長安躍
馬柳風輕璫林燕罷歸來晚想侍慈親話到明

其二

皇華來自 五雲端袖出賢書遺我看忽見姓名登
甲第喜陪英俊謁 金鑾四方綱紀吾當勉萬里雲
衢汝不難自是槐庭流澤遠一門三世總衣冠

橫溪草堂

爲安仁吳光玉鑑作

橫溪佳致似蓬壺中有延陵季子居當戶好山青入
漢過門流水碧涵虛吟餘起看巢松鶴書罷行將上

釣魚只恐

九重徵詔下衡門未許老樵漁

困齋

爲玉鑑吳君作

雲錦山前綠水濱數椽老屋一閑身枕書高臥非關
酒抱膝長吟豈爲貧自分南山無變豹應知涸轍有
窮鱗古來賢達誰同調一味簞瓢是故人

次吳君玉鑑韻

東風引領望雲溪底事高人尚布衣物外無心嬰世
網壺中有術妙天機興來珠玉隨風唾醉裏雲烟繞
筆飛此日義門簪重盍蒹葭倚玉倍增輝

送吳君用張之將樂貳教

鄉榜高登羨尔才拜官今喜出蓬萊花間別酒臨風
勸柳外征帆帶雨開京國過時家咫尺閩山行處路
盤迴育才好景先賢行莫爲寒氊鬱壯懷

輓馬大叅駢

官居郎署幾經年晚節薇垣喜再遷政化方期齊變
魯宦情誰料海爲天空聞歸櫬還江北無復鳴珂到
日邊愁絕白頭親老大西風長是淚雙懸

遊南寺次方通守韻

門開不二自何年冠蓋追攀信有緣
泉奏瑤琴低落澗塔撐玉笋上叅天
風鈴自說無生話塵榻誰叅不語禪
我亦因君動幽興可能重許謁金蓮

其二

此地傳燈幾百年幽尋偶得息機緣
雲霞散彩非人在金碧騰輝見佛天
白鶴慣窺香積飯玄猿能悟大乘禪
個中風景真奇絕不羨廬山結白蓮

其三

暖日蒸人似酒醺尋幽一逕入林分
風花輕拂遷喬鳥晴旭炎涵護塔雲
僧補衲衣松下見童敲茶臼竹間聞
老禪出定心如水平任歸鴉帶夕曛

其四

多君不向酒中醺風月襟懷有幾分
竹杖來遊諸佛土芒鞋踏遍滿山雲
塔擎燈影微微見巖墜花香細細聞
風景滿前吟不盡攢峯高處又斜曛

次韻荅方通守

其人曾作庶士

見說瀛洲路可通先生曾鞚玉花驄
夜隨蓮炬歸澗院曉迂鸞輿下碧空
明月清風歸翰墨高山流水付

絲桐夢回猶想當時事多少英雄佐下風

送庠生畢倫還弋陽

千里尋師得所宗游歌半載坐春風
書藏蝌蚪還江右雲擁鯨鯢離海東
柳色染衣凝濕翠榴花炤席絢
淡紅故園歸去承歡暇莫惜青燈更著功

題牟僉事考績之京卷

管年曾共列橫班勁翮凌霄孰可扳
皎月夜淡輝海宇清霜秋早肅
閩關嚴程又見趨千里廣廈終期到
萬間有鳥于今下喬木不勝翹首望南還

東軒爲方通府賦

地拓東山東復東達人襟度益春融
軒裳已托形骸外物象都歸眼界中
酒熟慣同元亮醉詩成猶愛惠
連工人生此樂誠稀有不減香山洛社風

其二

軒居勝占地東偏物理幽揆樂自然
柳眼舒青承氣早梅應試粉得春
先吟便畫裏看山水坐愛書中閱
聖賢況有清風與明月未須回首玉堂仙

寄魏大尹三省宗丈

銅章新戰赴莆城策杖登山送我行情爲臨岐淡繖
卷語因分袂重丁監書傳尺素交應厚茶惠先春味
獨清回首雲山成物化西風落日淚橫膺

病起簡方通府

官舍蕭條臥病昔尊翁訪後又佳兒伯牙幸與鍾期
遇管仲惟應鮑叔知桃李謾誇陽艷態竹松自保歲
寒姿何時重過東軒下尊酒論文慰我私

孟冬飲戚廣文官舍次太守潘公韻

廣文官舍極幽閒冠蓋相傾足解顏入座清香聞紫
菊隔簾秀色見青山鳳鳴雅樂當筵奏玉立諸孫繞
膝環况值公庭無事日夕陽沉醉却忘還

其二

花封竊得片時閒來向芹宮謁孔顏露綴紅黃臨座
菊烟凝紫翠隔簾山簫聲嘹唳雙鸞語池水清冷半
壁環最是廣文能愛客金盃滿酌不知還

蘆鴈爲丁通判題

金馬門前待詔歸秋禽幻出妙天機黃蘆風急寒生
夢紅蓼霜清冷倦飛整翮素懷霄漢遠謀身豈爲稻

東坡先生集卷之二
梁肥隨陽不日歸天北誰謂江鄉可久依

敗荷鷺鷥亦爲前人題

皎皎毛衣耀雪霜平生踪跡水雲鄉雖無鳧鴈同時
侶却是鷓鴣鸞舊日行槎上大觀秋颯爽蓮間戲蹠水
微茫良工寫贈寧无意儀羽終當別 廟堂

拙庵爲方掌教玳賦

自嘆平生性類鳩身心之外肯他求硯田荒澁隨岿
墾瓊座清寒足自修最怕鶯簧調戶外生憎蛛網掛
簷頭清風明月時相訪萬事無營醉卽休

司訓方先生端以詩見遺和韻復之

一室翛然十笏寬蒲前風景足爲懽天光雲影池中
見水色山容畫裏觀香試紫檀烟繞戶琴橫綠綺月
當闌廣文若許頻相過道誼寧論冷熱官

其二

案牘勞形不自寬開軒此日爲君歡琴中商羽從容
奏畫裏江山次第觀柑破寒霜凝玉甲梅呈瑞雪灼
朱闌相逢談笑俱儒雅頗類神仙境裏官

陳廣文亦以前韻作詩見贈和以答之

心勞撫字未能寬喜際斯文握手懽猿鶴清聲琴上
聽竹松秀色畫中觀持杯勸酒情偏洽分韻吟詩興
未闌日暮沉酣賓客散不知身是左遷官

其二

簿書來往暫時寬得與羣公一笑懽琴調似驚風鶴
舞石池聊作海山觀桃紅上臉因中酒梅雪沾衣爲
倚闌獨羨審言文學富當今屈宋作衙官

其三

奕奕巒宮地伏寬臯比席擁足情懽風清月白閒中
趣魚躍鳶飛靜裏觀問字有人頻載酒吟詩無日不
凭闌窗前梅竹皆良友最樂人間是教官

其四

允霽襟懷分外寬常情憂處獨能懽流霞蟻酒延賓
飲射斗龍泉其容觀芹藻香中開絳帳松梅佳處倚
雕闌羣經謹罷無餘事却過花封訪縣官

龍江八景爲康僉憲賦

舊說周顒隱處佳何如此地絕紛華衣冠其講席虞
世學業專宗孔孟家柳外尋春情自適梅邊玩月興

燕雁呼童糶種香芸草應爲收書富五車

右北山儒隱

南陌膏腴萬頃連居民力作日紛然犁鋤夜荷村中
月簔笠晨披隴上煙飯熟午炊菽婦餉犢厭晚牧喚
兒牽沾塗竭盡三時苦猶恐秋租納不前

右南畝農耕

天開石竅自鴻濛雲氣氤氳日夕通欲作甘霖蘇下
土先扶紅日上高空潤沾碧蘚連晴曝斜抹蒼松逐
曉風靈物珎潛神變化定隨早處作年豐

右龍穴曉雲

宛宛飛梁跨碧流娟娟素魄焰清秋臥龍影落沉潭
底雌霓身橫古渡頭淵客抱珠臨砥柱姮娥掛鏡傍
虛樓懸知駟馬高車客見此清光亦憇留

右石橋新月

萬頃澄波一葉浮平生此處足營謀輕風渡口棹初
發斜日堤邊釣未收纜繫蘆汀眠白晝酒沽茅店憇
清秋不知范蠡功成後寄跡能同此樂不

右橫浦漁舟

孤峯削翠倚層霄有客行歌樂採樵欵乃穿林幽壑
應悠揚度谷好風飄不隨伐木聲同調若比流鶯韻
更嬌幾度肩薪歸去後餘音猶自繞山椒

右尖峯樵唱

山擁青蓮繞化城嵐光長是弄新晴浮屠不見凌空
影飛錫徒聞度磬聲法界三千歸混沌佛燈幾點欠
分明老僧慧眼無舒處却訝鴻濛判未成

右山寺晴嵐

龍江東畔峙崇崗落日長留一帶黃鴉背亂翻金閃
金魚頭遙映錦輝煌牧童吹笛隨風遠樵客還家入
夜忙佳致已歸聽馬客畫圖隨處對江鄉

右獨岡返照

春旱甚久通判丁侯暨予祈禱立應喜而有作
夜半風雷耳畔驚天瓢馬鬣一時傾雖勞羽士呼號
力實藉通侯懇禱誠麻麦焦枯回秀色士民憔悴變
權聲具官起舞琴堂上欲作蘇公喜雨亭

浴沂有感和余舉人所繁韻

羨子青雲志已伸孜孜溫故以知新偶攜童冠歌游

東晉書卷之二
處洞見乾坤發育仁花落舞雩鋪碎錦草迷行徑絕
纖塵沂流浴罷微風起閒看波紋細感鱗

和魏時敏韻

丰姿玉潔氣春融襟度飄蕭有晉風游宦久淹江以
北娛親暫向海之東才非卓魯慚予拙詩到陰河羨
子雄昨日乘閑過花縣霏霏玉屑笑談中

其二

休論豸角抵朝簪懶學離騷續楚吟百里棗陰行看
雉一庭艸綠坐鳴琴淡期白日當離焰苦被浮雲作
曉陰適見蚺山魏才子輒云流水少知音

其三

梅雨經旬冷似秋山城人與景俱幽閑花落地紅將
盡細艸侵堦翠欲周橋斷衝波難送客水淡近郭可
行舟逢君欲與評當世誰解重修五鳳樓

其四

元龍湖海志偏豪詩社論交總俊髦淵底明珠先自
媚匣中寶劍氣難韜每憐世俗知音少誰謂山人索
價高此日尊前一相笑衰顏不覺暈紅桃

其五

世俗輕分吏與儒，寧知草澤有騶虞。
真雖云身不滿七尺，個是才堪敵萬夫。
思入風雲多變態，詞同葩藻競芬敷。
袖中想有長楊賦，早晚乘風獻帝都。

其六

唐相聲華百世芬，諸孫志氣復凌雲。
詞華俊逸鮑明遠，書法精研王右軍。
古道每從心上究，非言肯向耳中聞。
吾宗亦忝龍門後，一脉書香遠自汾。

其七

邈近醫君酒一尊，官居蕭索類山村。
庭花被雨多殷色，砌蘚經春遍綠痕。
盤以菜根爲至味，饌無蕉葉裹蒸豚。
談詩不覺畱連久，明月娟娟已到門。

其八

東皇太後百花殘，苦雨顛風特地寒。
獄爲有囚嚴狴犴，座因无客懶衣冠。
生愁敗壁傾頽甚，苦念生民度活難。
忽報臨門有佳士，攜詩催我上吟壇。

其九

正苦春陽土欲焦，又經夏雨澇青苗。
連村圩岸過滄

海到處溪流斷石橋抱悶難成歌一曲銷愁強進酒
三蕉休文苦被微官縛多病年來瘦損腰

其十

賦命由天柰若何休言身世尚蹉跎書中粟有良田
在門外車多長者過公府蠶絲徵歛少詞林風月笑
談多君恩已沐親慈律對酒須當發棹歌

賓月樓爲莆庠生曾直賦

十二闌干倚沈寥嫦娥許赴夜涼招觀光直把珠簾
捲闕卷何須絳蠟燒硯席輝輝蟾影動壺觴細細桂
香飄來秋爲喜高攀處已有丹梯近碧霄

送莆馬廣文秩滿之京

九載莆庠化雨涑雲衢強半是青襟一腔自信春長
在兩鬢從教雪欲侵載道于今趨闕下過門何

日到山陰

聖朝銓擢多儒雅高步行看入禁林

次韻奉復會元陳先生

座蒲衣冠類孔融笑談誰不仰高風久知鵬鷲凌雲
抄今見鯨鯢出海東茶罷吟懷渾覺爽酒闌文思轉
添雄莆陽才俊多如織畫在薰陶黜染中

其二

朝簪久脫一名儒八十年華際
有虞籬下黃花陶靖節天心明月邵堯夫
閒觀棊局風雲布靜閱詩篇錦繡敷
才思年來更清絕賦成真可四三都

其三

投老林泉八十秋笑歌無地不清幽
行隨野鹿來巖畔坐倚長松憇道周
拚醉滿斟棗落酒乘閑遠泛木蘭舟
夕陽回首多新句寫向清風八詠樓

其四

念我新投豸角簪雲巖遠寄草堂陰
重如趙地連城璧清比虞廷九奏琴
尺牘未能酬館下扁舟還擬過山陰
何當六事無羈絆洗耳來聽治世音

其五

早從鄉邑擅清芬繼領羣仙入五雲
經世文章韓吏部專門詩律鮑參軍
禮闈英俊推先達翰苑儒臣讓洽聞
解組歸來今白首僭經幾度嘆河汾

其六

懶同俗客對清尊却訪交朋過近村
展齒染成青艸

色杖頭拄破綠苔痕經生問字多攜酒野老知名亦
饋豚醉後玉山支不住肩輿乘月入重門

其七

作縣無才思欲焦清軍理訟復徵苗纔收物產歸公
府又趁農閒架石橋煖閣已添今日火暑衣還着舊
時蕉先生獨得歸田樂何日相從免折腰

其八

明哲如公世幾何雲山高臥豈蹉跎水心明月閒相
照林下清風試一過居巷未知顏子陋儲書還羨鄴
侯多鳶魚至理知參透日對芳尊自咏歌

其九

梅花未放菊花殘戰竹風聲作歲寒
聖主已頌

新曆日耆英不換舊儒冠緘詩寄我知心久對景懷
人會面難願祝遐齡逾八百年年來謁壽仙壇

錦歸卷爲鄭伴讀題

蚤將經濟輔賢王道合君臣分兩忘老太髮毛成
雪色歸來錦繡帶天香懶尋陶令黃花徑肯訪裴
公綠野堂何處風光足幽賞翠壺山下鄭公鄉

遊石寶寺

禪房高寄白雲窩，樓閣層層竹樹多。
俯視蒲城低矗堞，回看滄海遠揚波。
虎存肖像何年到，人訪遺踪此日過。
日暮肩輿重回首，數聲鐘磬出烟蘿。

卷晦

紛紛車馬混紅塵，那似林居得趣真。
圖籍窮探千古意，彝倫自厚一家仁。
庭前竹戛風中玉，窗外梅傳月下神。
清影可人无限樂，鷹揚却笑渭川人。

重慶堂爲柯翰林賦

人生具慶喜非常，况復重闈晚節芳。
和氣一團春靄霽，壽星數點夜煌煌。
座中白髮尊黃髮，膝下斑裳映錦裳。
最是鳳鷄新得捷，文章五色焰高堂。

薇垣春曉

爲劉知印賦

銅壺漏盡鼓聲稀，竚待藩垣啓曙扉。
香爇水沉烟散彩，花生火樹月爭輝。
瑤階影動翻紅藥，金印封開焰紫薇。
幾度公餘閑可樂，寸心清似浴沂歸。

次韻爲林員外題芍藥

九牧軒楹衆所誇，年來種植競紛華。
坐留莆郡能詩

東坡家乘 二卷
客吟對揚州絕品花香氣逼人騰瑞靄冶容炤席綉
晴霞酒酣揮筆爭評品却羨庭堅韻最嘉

其二

一種芳叢重可嘉廣陵移到海東涯翻階微破含風
蕊炤座濃薰浥露葩金帶舊符丞相兆玉杯今醉地
官家詩成折取簪烏帽滿面紅奩映晚霞

寄壽楊益堅六十

水北山人隱者流移家近接汝南周讀書未獻三千
字介壽欣逢六十秋檀板聲中歌白雪梅花香裏進
金甌新詩遙托鱗鴻使遲爾重添海屋籌

姑青八老

壺嶠鍾靈產八賢龐眉皓首見高年衣冠其結姑青
社人物真同閬苑仙五色雲霞歸筆札雙清猿鶴上
琴絃風流不減香山老定入 清朝太史編

題賞菊倡和詩卷次韻

君家種菊極濃纖每到花時色色兼勝賞偶因儒雅
會高歌無復客愁添共揮綵筆賡嚴韻誰道青氍被
久淹況喜主人能愛客金杯滿勸未容謙

送推府徐公第歸長沙

骨肉情關到客邊，連牀未久遽言旋。
梅邊勸酒花當席，風外開帆浪拍天。
鴻雁離羣聲切切，鶴鴒顧影意懸懸。
故鄉若問難兄事，爲道刑清秩欲遷。

梅澗爲劉進士鈍作

一帶澄流一種芳，何年疏植近茅堂。
霜葩雪蕊呈寒色，玉鑑冰壺湛曉光。
細細清香凝燕寢，泠泠雅韻落琴牀。
誰言君子交情淡，還有調羹鼎味長。

送劉進士鈍采錄還朝

皇華使節灼關采，錄成功此日還風。
引春雲隨錦服，花明曉日映朱顏。
離情滿勸杯中酒，詩思遙看馬首山。
想到彤庭秋正好，黃花香裏列仙班。

輓大尹林廷芳 東州其號也

早揮鞭策起東州，直抵青雲最上頭。
翰苑人推韓吏部，花封正羨魯中牟。
絲綸已屬門生掌，行實終煩國史修。
我愧來遲人不見，生芻一束吊荒丘。

癸軒爲陳文圭賦

軒外寒梅間竹枝，軒中沈約雅相宜。
冰花可鑑丰神

異霜節還同骨相奇豈爲韶音忘肉味直因蠹簡損
腰肢功成不日能輕舉萬里飛騰到 鳳池

和錢曄廣文與韓檢校同行倡和詩韻

岳湛聯鑣賦遠遊客途風景十分優紫鱗翻水青萍
亂黃鳥歸林綠樹幽澗裏泉聲清兩耳馬頭山色豁
雙眸懸知方物輸公後還向 皇州展大猷

其二

王事勤勞匪浪遊清吟贏得旅懷優衣沾濕翠松林
晚馬飲寒泉石澗幽坐久因貪風景美行忙不覺道
途修藩垣到日多餘暇更擬聯詩醉玉甌

從吾亭爲秋官彭公韶賦

亭構憑虛面面清置身如在廣寒庭花邊棄餌魚爭
食竹裏鳴琴鳳下聽梅影橫窗寒月白書聲出戶夜
燈青客來無酒同茶話一任傍人誚獨醒

送陳忠傲省侍歸泰和

慈親仲氏久睽違千里承顏到泮池枕扇涼風情戀
戀牀連夜雨話遲遲故園先隴秋生夢客路歸舟晚
欲移草草蒲陽城外別不知重會定何時

秋官彭公浚博予同年至契交也以事解臧寓
居京師時予亦以憲臧改知黃田縣事不相見
者五六年成化丙戌予述臧來京當道者大肆
簡闕予遂以老疾辭適會公于寓邸相與道故
舊察其辭色若有不豫然者故作是詩以慰之
且以自解云耳

早歲論交自碎雍青雲萬里並飛冲明刑弼教真能
事激濁揚清頗效忠世故由來多得失宦途何必嘆
窮通從今袖却經綸手歸向山中理釣筒

次韻方二守之官韶陽

螢屯夜火焰書帷兔染朝雲浴硯池鐵石半生堅苦
志松梧千尺挺奇姿草深庭砌觀生意花舞雪壇咏
浴沂竹汗淋漓編舊簡天葩芬馥吐新詞雲霄自可
期高遠泉石那能逐燕私鄉校喜逢充貢日橋門猶
是聽經時夜分剪燭窮周禮月旦隨班謁孔祠十載
藿鹽甘淡薄一朝天日仰重離校文肯落羣公後獻
策真成六出奇 臧授大夫隆 寵渥車乘別駕盛
旌麾身歸故里榮難比心戀韶陽澤可施骨肉歡情

東澗家乘卷之二
猶未已風雲行色豈容遲滿城父老慙懃迓千里民
風漸次移自是豐年多黍稷寧憂艱食阻寒飢曲江
浪煖魚龍化帽嶺春回景物熙狐鼠連村俱屏息鷄
豚何處不蕃滋數莖白髮從渠老一片丹心結
主知善政及人宐有頌清風蒲口即同碑簪纓世澤
應无愧柱石巖廊定有期明到梅花須遠寄勿令千
里繫心思

東澗家乘卷之二

臨汝王常

大經甫著

曾孫廷垣

康侯甫編

七言絕詩

四時花鳥爲林員外賦

金作雙睛鐵作衣能言鸚鵡可同歸桃花紅破麝脂
嫩貪向枝頭立不飛

右桃花鷓鴣

梔子花間太候禽分明白玉映黃金上林曾共神仙

東坡家乘 三卷
侶看尔遷喬弄好音

右梔子黃鸝

駿馬行經桂嶺秋
貪香好鳥戀枝頭
于今畫裏看真跡
回首令人憶舊遊

右桂花山鵲

頸紋玉碎翼紋班
花裏相偎意自閑
待得村村農務急
數聲長在雨晴間

右山茶布谷

草蟲爲劉三尹題

綠葉紅葩錦繡叢
上飛蜂蝶下昆蟲
摩挲淨醉眼閑觀

處肯信人間畫士工

花林輕黃號蜀葵
鷄冠金鳳兩參差
紛紛蜂蝶交飛處
應爲清香可療飢

朶朶秋光白
間黃西風隨處散
清香蜂蝶使顛狂
甚一段天機出筆芒

萬綠枝頭一丈紅
萱花幾個托根同
狂蜂浪蝶紛相逐
寧識其間孝與忠

十月見紅白菊口號二絕

誰送東籬二種花開當良月十分佳人言只好霜前
賞我愛清香殿歲華

十月纔開九月花色兼緋白總清佳一尊徑對花前
醉恐負玄冥好物華

得六安顯書報州民順化喜而有作

昨秉州麾到六安地方千里浩漫漫兇頑梗化知多
少今日咸歸父母官

書寄六安顯用前韻

甫郡裁書寄六安雲山疊疊路漫漫須知忠義盡人臣
事莫負 皇朝五品官

題鷹二絕

曾掉鸞翰斫剛風萬里平荒兔穴空今日枯枝雖暫
息羣飛猶自入深叢

金眸鐵爪羽翰輕獨在
高枝寂不聲志在九重霄漢
處飛飛百鳥未須驚

憶舊

天順改元家君沒於韶諸第宏等扶櫬而歸時三
省宗丈以歸田尹念家君交誼之厚迎哭于吳坊

橋次年歸葬又扶病追送情其可忘乎今若人以
逝常以廢宦弗克走吊庸賦二絕以追念之時天
順五年十月也

亡親歸櫬自韶雄迎哭傷心淚
鮑杖藜寧過小橋東

先君歸窆載陽關扶病追攀過井幽此意銘心殊未
報淚痕空點客衣斑

東澤家乘目錄

卷之一

百詠梅

古梅

早梅

庭梅

官梅

江梅

溪梅

嶺梅

野梅

憶梅

夢梅

尋梅

問梅

揆梅

索梅

觀梅

賞梅

友梅

寄梅

評梅

歌梅

別梅

惜梅

折梅

剪梅

浴梅

浸梅

簪梅

粧梅

蟠梅

接梅

補梅

苔梅

杏梅

竹梅

臘梅

雪梅

月梅

風梅

煙梅

孤梅

移梅

疎梅

老梅

新梅

矮梅

遠梅

落梅

瘦梅

官梅

檐梅

寒梅

咀梅

盆梅

紅梅

粉梅

青梅

黃梅

鹽梅

千葉梅

鴛鴦梅

綠萼梅

胭脂梅

西湖梅

東閣梅

清江梅

孤山梅

羅浮梅

故宮梅

漢宮梅

廡宇梅

書窗梅

琴室梅

棊墅梅

釣磯梅

樵徑梅

僧舍梅

道院梅

柳營梅

茅舍梅

藥畦梅

前村梅

炤水梅

山中梅

城頭梅

水竹梅

水月梅

杖頭梅

擔上梅

隔簾梅

炤鏡梅

十月梅

二月梅

未開梅

乍開梅

半開梅

全開梅

水墨梅

畫紅梅

玉笛梅

紙帳梅

東溟家乘卷之一

臨汝王顯

必融甫著

曾孫廷垣

康侯甫編

百咏梅

古梅

何事仙軀怪且神相傳時代亦非真廣平自管溪知
已和靖于今也故人老幹數枝龍有骨寒花幾個玉
罽塵等閒莫謂空虛老歷遍幾朝秋復春

早梅

造化无情却有神分明雪裏漏天真一枝鐵幹橫虬
尾幾點瓊花訝玉人踈影未堪籠夜月暗香應不逐
芳塵千葩萬卉無消息占却江南第一春

庭梅

雅潔姿容淡素神歲寒窗外獨清真月橫踈影長陪
客風過奇香時襲人松竹毋同堅夙契稟尊相對淨
無塵幾回獨坐思玄造一氣生二萬古春

官梅

粉署高宏最豁神寒花相契夙心真風侵帳幙香生
夢月到堦除清逼人佳實終當調鼎鼎貞心原不染
埃塵太平有象熙二日門館无私物二春

江梅

浪跡江干近廟神肝腸鐵石老逾真蔽賢偶失離騷
譜知己還應作賦人倒影慣遮垂釣石落花寧染濯
纓塵豈无嘿識調羹用移取終歸鳳閣春

溪梅

雪中姑射最精神苦竹叢邊一見真溪上慣來攜鶴
友渡頭那有問津人搖波亂影如驚蟄浸水花顏似

浴塵幾度漁翁夜相泊得錢沽酒慶先春

嶺梅

奇峯峯律怪而神上有幽棲莫靡真獨步總稱天下
士同心誰是歲寒人靈根賴有培雲露落瓣終无委
路塵聞說高風香自遠肯同凡卉競芳春

野梅

虬枝懶散骨精神籬落荒疎趣獨真淡朴惟知甘野
性妖嬈終不如他人歲寒况有冰霜操識寡應稀車
馬塵斲削免勞工匠力迂踈長伴太平春

憶梅

曾挹芳香似入神別來彷彿記猶真孤高標格超凡
品淡素容容亦絕人幾度月明竟欲斲迢遙途阻渴
生塵何當驛使因風便忽謾相逢是早春

夢梅

癖愛仙姿頓損神幾回想像失其真分明書館三更
月綽約天官一美人玉體芳香清可挹雪膚閒淡瑩
無塵不知樓角誰家笛驚破莊生蝶夢春

尋梅

爲愛清癯玉骨神近來踪跡莫能真幾經山谷崎嶇
路數訪江村來往人破帽蹇驢橋畔雪竹筇芒屨驛
邊塵東風忽報真消息谷口人家蒲樹春

問梅

尻間客及蕊宮神動止那教吐的真東閣近來誰作
主西湖向後有何人輕盈洛浦能無及員靖天宮隔
幾塵嘿二相看渾不語寸心呈露已先春

揆梅

連陰釀冷阻花神到處詢來可得真雪裏蹇驢猶絕
伴月明清夢有何人試觀洛下堯夫數謹候江南驛
使塵昨夜東風過庾嶺曉來驀見一枝春

索梅

獨坐空齋悶損神寒香那得遂吾真緘書竟達同心
友分惠寧憐癖愛人容易睽離成久間猖狂追憶渴
生塵也知舊種應多品莫惜東風一樹春

觀梅

寒花湖上鬪精神踏雪尋來興獨真得句却思東閣
友折枝堪寄隴頭人昂藏自許孤高節清白都无半

東坡家乘 一卷
點塵岬岬東風雖着面寂然羣動未知春

賞梅

爲愛寒花入畫神今朝觀賞覺情真分題賡和幾良
友對酒高歌雙美人鬪雪鮮妍爭素彩迎風隱約散
香塵煙銷宴罷詩成後醉眼朦朧兩頰春

友梅

泛泛論交返役神得渠偏覺意情真歲寒可是无良
友淡薄相知能幾人契蒞金蘭那可及襟懷冰雪肯
教塵想應素志長如此相守何妨百歲春

寄梅

對花懷友謾馳神消息傳來竟未真千里謹憑關外
使一枝聊寄隴頭人物將遠道輕毫羽情逐清芬慰
渴塵莫謂慙慙无嗣訊東風回首一年春

評梅

貌相清癯氣且神卓然自大見之真衝開臘雪惟孤
操占斷東風第一人可但芳香无與並也應襟抱絕
纖塵知幾況自收功早寧與羣芳鬪艷春

歌梅

翠袖當歌對玉神一聲飛繞畫梁真消殘金谷筵中
酒喚醒羅浮夢裏人檀板拍時飛白雪綉蓮點處起
香塵誰將鳳管相追和滿地落花那惜春

別梅

爲與姑仙契入神襟懷冰雪一生真臨風此日辭良
友對月何時思故人淡素不踰寒苦節香酸能慰渴
心塵可憐易別難相見又待新頒鳳曆春

惜梅

爲愛丰姿淡更神護持惟恐損天真無端宿雨愁驚
夢有意狂飈惱殺人對酒便須邀皓月設幃寧使染
罌塵東家切莫吹羌笛猶怕姑仙減却春

折梅

曉來和露更精神折取瓊花一朶真插向膽瓶延好
客斜簪雲鬢趁佳人僕吟拚買清江醉寄遠多隨驛
道塵爲語高枝莫輕笑東風原是一般春

剪梅

楮國新封雪樣神并刀鋒利却猶真傳神不假中書
筆脫像多應待詔人冰縠襯來增素彩畫堂開處絕

氛塵寒香未動黃昏月永不凋殘四季春

浴梅

自憐顏貌頗精神俗垢偏嫌滓本真金井曉晴滋玉質洞庭春暖出蛟人繡蓮踏月應侵露羅襪凌波不染塵幾見楊妃初罷浴嬌容滴滴盡生春

浸梅

小軒幽雅可怡神況復寒梅酷愛真瓊樹折枝憑妙手膽瓶添水籍佳人吟邊對酒花如玉靜裏焚香清絕塵幾度相看情不捨月明斜入似窺春

簪梅

陽和一脉到花神開遍南枝是的真和露折將仍對鏡傍雲斜插豈勞人清歌靜婉還增媚妙舞嬌嬈不動塵可怪吳姬并越女白紅堆積滿頭春

粧梅

像生一本頗精神仔細觀來太逼真幻體匪資豐植力脫胎應是妙機人嬌閒宛若天然質雅潔應嫌俗垢塵最是貞心長不改淡中風韻四時春

蟠梅

誰把寒梅巧弄神
縈紆能弗損天真
曲磡蟄露蜿蜒
骨新樣官粧
偃僂人花朵高低均帶露
柯枝重疊不沾塵
縱然矯揉由人力
成就須知也是春

接梅

生生之理妙如神
除舊更新益得真
彼此貫通由是氣
化工機巧奪斯人
靈根再入三生石
玉骨渾超幾劫塵
清操想應終不敗
芳香從此百千春

補梅

寒香栽植頗勞神
風雨摧殘失所真
添補慇懃嗟老癯
滋培相繼豈无人
多應素志甘清苦
也自超羣遠俗塵
試看明年開發處
東風依舊滿園春

苔梅

臃腫殘軀外欠神
遍身蒼蘚蝕尤真
一枝怪幹斜撐月
幾個奇花冷咲人
微雨絲絲回嫩綠
輕颺細細落香塵
東風莫訝初相識
幾歷星霜秋復春

杏梅

兩契相投一氣神
英魂雖化骨猶真
霞裳學舞游仙侶
酒暈初添半醉人
細雨潤沾金井露
微風輕落絳

納塵須知還有堅貞操莫謂尋常一樣春

臘梅

丰姿異樣且精神皎皎偏嫌俗態真
媽絳微黃真臘種淡粧濃抹漢官人
雨餘染透薔薇露風過清芬香麝塵
最是平生守貞信每於雪裏報先春

竹梅

鳳尾陪腮老玉神水邊林下兩情真
衡茆隱操非今士薇蕨清風企後人
亂影交加多皓月暗香浮動絕纖塵
歲寒心事應無盡更待丁公十八春

雪梅

庾嶺芳姿似有神朔風吹凍色逾真
逋仙妙句應無敵謙女奇材亦絕人
雪片着梅清透骨梅花點雪玉生塵
雪消唯有梅花在生意津津滿樹春

月梅

每憐姑射貌精神偏與嫦娥氣味真
庾嶺路遙逢驛使廣寒雲斂出佳人
香凝素魄應浮動光透瓊葩絕點塵
試看前溪清淺處橫斜疏影鏡中春

風梅

習東來與位神寒花相契得非真堦前疏影弄明
片竹外清風來故人老幹擎雲龍起蟄落英如雪玉
飛塵青衣女伴休貪翫十八封姨慣妬春

煙梅

氤氳和氣暗通神陡覺寒梢失故真瑞藹屯香迷玉
女秋潭澄影浸水人凌波飛渡鬟雲亂隔浦遙觀眼
月塵紅日漸高風力勁淡粧依舊故山春

孤梅

挺然特大貌精神獨立丘園興趣真雪映素葩爲二

絕月臨疎影是三人堅貞節槩還如玉雅潔姿容不
染塵行輩稀疏知識寡惠風甘雨一家春

移梅

移得西湖玉骨神封培那得遂其真根株妥帖休戕
性枝葉敷榮自愛人積歲漸看淡雨露英標行見出
風塵明年雪月交輝處添却窻前一段春

疎梅

墻角誰家老玉神近前纔得覩其真柯枝有立堅清
節花蕊无多壓俗人初月微微橫淡影輕颺隱隱拂

香塵縱然无復繁華夢自得昇平靜裏春

老梅

盤錯槎牙老更神孤山處士認來真疎星淡月長爲伴剩水殘山最可人玉骨有肌凌白雪冰魂无夢入紅塵當時只解誇姚魏應咲蹉跎不記春

新梅

新得西湖異樣神殷勤培植遂天真軒昂數尺高於鶴清瘦一枝長比人雨露未經淡歲月丰姿已自出風塵會看養就堅貞操傲雪欺霜不記春

矮梅

恍疑齊相晏嬰神流落村鄉遠像真居第匪崇寧僭上賦形隨分肯過人瞻天似遠還沾露忒地无多不染塵莫謂蹢躅非傑特滿株花發一團春

遠梅

庾嶺當時覩玉神粹然丰韻淡中真一年容易更新曆千里迢遙思故人地僻不當官驛道使稀難候馬蹄塵夜來偶作江南夢吟遍寒花雪裏春

落梅

久戀韶光損却神殘粧无復管時真風前片片隨流
水雨後枝枝更惱人詩客翩翩翻驢背雪貴妃踐踏馬
嵬塵桃天杏艷休相諠結果應須在暮春

瘦梅

形軀羸瘠氣精神沈約腰圍似更真疑是天台休粒
士恰如商嶺采薇人虬枝寡弱渾如削玉蕊清癯不
受塵詩客也緣知我瘦苦吟惟恐不勝春

宮梅

綽約丰姿骨相神大真真似亦非真生香清曉顏如
玉弄影只昏意動人根近蓬萊知雨露地連中禁絕
氛塵邠土玉笛休三弄花萼樓前歲二春

簷梅

管年栽植費心神此日相看趣獨真香繞畫簷無俗
客影陪明月有詩人當歌須盡金樽酒索笑時揮玉
塵二怕殺樓頭吹玉笛便教減却幾分春

寒梅

時序推遷若有神殺生倚伏理尤真衝寒獨發不同
衆冒雪爭開可畏人節操堅貞終有立姿容鮮潔更

無塵連朝風色顛狂甚不見奇花那見春

咀梅

曾聞梅實爽心神咀嚼纔知妙更真醒後香酸空酒
客倦餘清脆愜佳人幾添卧疾長宵嚙一洗羈愁萬
斛塵可惱調羹雖未用就中原蓄太和春

盆梅

小二形軀秀且神瓦盆隨分卷天真名園勝景非知
已琴室書軒籍主人幸矣有天露雨露曼然无地染
埃塵星移律轉東風動隨意開花自在春

紅梅

朱顏一派貌如神偶見猜疑亦未真華嶽清修丹熟
客瑤池嘉會酒酣人露滋玉蕊含紅雨風動虬枝落
絳塵俗眼遙觀須仔細莫教錯認武陵春

粉梅

侵曉浮光日眩神冰花相應白逾真珠裳月殿凝瑤
彩瓊佩仙臺集玉人汗透何郎嬌帶露天然姑射瑩
無塵昏花展轉添疑思殘雪難消不畏春

青梅

晝日初長困悶神時晴時雨景尤真尖新慣入詩豪
句香脆偏宜酒醒人望及師徒能止渴嚼餘心腑頂
消塵江鄉四月黃初熟獻上調和玉鼎春

黃梅

香酸一點密通神壓樹纍纍臘色真肥潤堪充金鼎
實調和宜付玉堂人也添漆室愁眉黛解滌文園渴
肺塵物物及時須見用稼秋猶似卉之春

鹽梅

間氣鐘賢嶽降神夢魂淡得畫圖真徵求已自勤丹
詔物色終當見玉人庾嶺時供金彈實解池晴貢雪
花塵只因調燮元和後延得商家數百春

千葉梅

何處獨標絕品神寒香一段且猶真冰綉密密圍龍
女素練層層護玉人重疊樓臺欺白雪輕盈簾幙隔
紅塵恍疑上苑曾相見曉日瞳瞳萬戶春

鴛鴦梅

偶見寒香若有神安排寧得似其真冰花朵朵自相
偶玉蕊枝枝亦詫人共蒂恰如齊羽翼並頭渾欲傲

東坡全集卷一
風塵人間未敢輕畱取獻入宮庭報早春

綠萼梅

綠珠傳是蕊珠神尋覓无踪偶露眞翠袖絕无窺戶
態玉顏其作墜樓人香腮嫩襯紗紋碧清淚寒凝露
漬塵爲是生平抱貞操芳香羸得幾千春

臙脂梅

聞說丹砂信有神丹砂養就可全眞駢顏隊隊蓬瀛
客絳幘翩翩上界人霞帔凝香猶帶露茜裳殷色絕
無塵朦朧醉眼遙相望隔嶺殘霞絢早春

西湖梅

幾樹寒花分外神西湖湖上得之眞四方桃李推前
丈千古蘓堤記管人雪壓霜欺還似玉天光雲影迥
无塵林逋見說高風在茅舍竹籬渾是春

東閣梅

吟對寒花興有神揚州何遜得天眞西湖謾道延佳
士東閣重來是故人疏影亂橫官舍路落英香漬印
函塵水曹一公无消息冷落東風幾度春

清江梅

百尺腰圍氣且神形軀怪古話難真相依酒館幾千
載曾閱歌樓多少人冒雪冰姿堅雅操蟠空枝幹絕
浮塵花開花落長如此暑往寒來又復春

孤山梅

逋仙清操氣尤神酷愛寒香興味真妙句品題應獨
步遺香繼響有何人東風依舊花如玉茅舍荒涼跡
已塵景仰高風倍惆悵水光山色愴餘春

羅浮梅

羸馬西風倦損神師雄岐路忽迷真却於近舍黃昏
月偶遇輕粧素服人歌舞絳衣音極麗飄飄殘雪玉
爲塵覺來風露侵肌冷惟見寒花一樹春

故宮梅

禾黍離離便愴神故宮風物總非真池邊不降蟠
客鄴下能移捧露人金屋阿嬌无土壤玉釵飛燕已
埃塵未央月其長門冷惟有梅花尚帶春

漢宮梅

漢皇聞說惜花神九曲闌干護得真弄玉夢辭三島
路大貞貌壓六宮人偏承澤露憐柔質曾賜溫湯滌

舊塵東閣西湖空爛熳若爲敢比內園春

解宇梅

癯仙貌古氣尤神廊署棲遲足養真高隱但誇林處士
酷憐還有姓何人堅貞不改冰霜操清白都消案牘
塵富貴幾人能淡薄洛陽曾似廣陵春

書窗梅

水花一樹更精神耽向文房趣獨真清淡自堅寒士
節吾伊長近讀書人瓣粘彩管花生筆影入紗窗硯
點塵最是年年開癸早百花頭上占先春

琴室梅

鐵石肝腸淡素神子期相遇更情真高山流水時三
弄白雪陽春有幾人玉蕊曉晴應帶露金徽寒徹不
生塵幾迴彈到無聲處花月光涵太古春

碁墅梅

誰家碁墅老梅神局裏橫斜得趣真席上每來清節
士坐中何有爛柯人謝公梁殿傳嘉瑞橘叟瀛洲賭
玉塵世事如碁全未定梅花一着占先春

釣磯梅

不友山神伴水神飽經風雨勁逾真清標疑是逃名
客斜影渾如把釣人彈實儘堪調玉鼎羊裘終不染
紅塵桐江寂寞烟波冷畱取香名幾百春

樵徑梅

山逕萦迴少露神尋常誰復得其真買臣未仕多青
眼王質忘歸晤玉人自有山靈長護衛豈容樵採化
烟塵迂疎與世相關少惟識東風便是春

僧舍梅

梅覺禪機暗自神本來面目見尤真風清月白惟詩
友花落僧禪无俗人如意瓶中窺造化給孤園裏隔
紅塵爛然熟透凡胎脫打破太虛渾是春

道院梅

仙家道術可通神爭似寒梅造化真葭管飛灰初應
律枝頭生意益於人影隨月上燒丹竈香逐風侵煉
藥塵空有玄都千百樹可能欺雪占先春

柳營梅

植向轅門似有神曾聞奇異莫非真花飛宛若吳姬
隊投舞渾如虞美人魏武行師能止渴亞夫張道不

飛塵歷朝事往香魂在遺落人間幾百春

茅舍梅

苦竹籬邊老玉神无榮无辱一生真廉貞不爲嫌澆
倍淡朴由來知野人便與草茅終素志肯同桃李競
紅塵晚來未識孤村老蚤歲相知獨有春

藥畦梅

藥品曾施效若神就中何物即非真自憐絕俗无瑕
質誰是俱收待用人玉質冰容凌白雪姚黃魏紫艷
紅塵穠華苦節雖殊調陶育成劫總是春

前村梅

寂寞荒村欲愴神寒梅挺秀獨清真西湖公此无多
地東閣高吟能幾人短屐泥迷應有跡蹇驢風雪却
无塵村翁不解流光惜喜見花開又一春

照水梅

姑仙變態信如神湖上分明鑑得真風舞落花天外
雪水涵清影鏡中人虬龍飲澗雲无跡仙子凌波襪
不塵幾度醉眸渾可怪廣寒宮裏一枝春

山中梅

爲便淡靜可全神
斷谷顛崖趣獨真
燦爛繁花清透骨
槎牙老幹怪欺人
月明不入羅浮夢
地僻渾无驛道塵
惟是松筠長結友
敖霜欺雪幾經春

城頭梅

卽非土主與衙神
樵鼓更更最得真
初訝棠陰遺愛伯
却疑版築待徵人
山間林下雖關夢
馬足車輪久絕塵
寂靜莫言休散地
東風偏得占先春

水竹梅

勁節寒香鑑自神
波光搖蕩認難真
依稀水府來佳士
恍惚天宮出美人
湘渚啼痕應有跡
孤山清操自无塵
西湖聞見多佳致
梅竹雙清歲歲春

水月梅

寒香一本且精神
靜夜臨風趣獨真
色映清光流素彩
影搖寒碧蕩佳人
芳姿對酒詩添興
皓魄當空鏡不塵
仙女素娥偏入契
年年湖上伴先春

杖頭梅

平生酷愛淡中神
步向西湖覓所真
宇內東風初轉律
杖頭寒玉便隨人
一肩斜映前山月
兩屐忙追遠

道塵可是惜花貪起早莫教辜負好青春

檐上梅

郭外花翁怪且神平生心性爲梅真曾聞東閣有賢
主自別西湖无故人好雨隨肩滋玉蕊軟風沿道散
香塵相逢若問何生計每日城東一檐春

隔簾梅

冰肌玉骨更精神猶有寒香一段真每掛珠簾防俗
客不妨花氣襲幽人朦朧疏影能移月峭峭東風也
隔塵鈎上珊瑚幾觀賞絕无蜂蝶敢窺春

焰鏡梅

翡翠菱花瑩若神鑑渠容貌十分真廣寒原有嫦娥
伴水府初驚絕代人繁朵遠凝天外雪落英飄滾浪
中塵阿鬟何事長吁氣一霎烟雲罩却春

十月梅

循環造化豈无神陰極陽回亦自真百物凋殘俱改
色一枝開發更驚人淒淒寒日籠山霧陣陣西風起
路塵不是梅梢露消息就中誰識小陽春

二月梅

不爲寒威阻玉神歛收元氣足吾真山中何處無顏色
江上于今見丈人桃李何緣充近侍芙蓉猶自避
芳塵雖然誤入繁華景一點貞心九十春

未開梅

誰謂生生若有神就中猶未見其真廣寒清冷藏仙
女水府沈深閉玉人迅速流光催節候森嚴寒氣肅
風塵試看一脉陽春處冒雪枝頭箇個春

乍開梅

一陽初動便精神璫角寒香已露真
覩鏡不多西子面倚門將出蕊宮人
籠煙一抹娥眉粉舞雪雙飛蝶翅塵
爭得上林催羯鼓霎時開遍滿園春

半開梅

灰飛葭管捷如神便覺枝頭露玉真
半面相迎渾欲咲凝情似語尚羞人
盈盈素彩含清露隱隱芳香壓俗塵
寄語東風莫催促可人唯在一陽春

全開梅

叫峭東風自有神早梅齊放信猶真
羅浮夢有歌童子湖上看來養鶴人
破蔬已含青彈實落英時腿粉

香塵須知子熟應先貢天氣清和接暮春

水墨梅

何人揮洒淡中神醉眼朦朧識未真烏皂巾靴唐進士顛狂丰度晉騷人芳姿迥異雖非管貞操由來不染塵幾度羅浮初夢覺墨花涼沁滿園春

畫紅梅

灼灼奇花妙入神彩毫點染逼天真一簾絳影堪娛客滿樹繁英不襲人醉眼遙觀猜倍杏夢魂驚悞入紅塵丹砂養就爐中火幻出長年不老春

玉笛梅

崑山石骨瑩如神鳳管新裁亦是真三弄淒涼淡夜月百憂憔悴倚樓人關西戍卒興遙忽江上桓伊逐後塵花萼樓頭收拾後青陽宮裏恰空春

紙帳梅

剡藤幾幅寫梅神護我匡床樂所真香雪窩中康節老白雲堆裏華山人清高何必芙蓉錦淡素惟應水墨塵幾度睡酣呼未醒羅浮風韻不勝春

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

皇朝書目考卷之四十四

